



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-00-610/25-I
Brčko, 12.05.2025. godine

Z A P I S N I K
sa 122. vanredne sjednice Pravosudne komisije Brčko distrikta BiH
održane 12.05.2025. godine u 08,38 sati sa slijedećim

Dnevni m redom

1. Donošenje odluke o imenovanju operatera - upisničara izvršenja prekršajnih sankcija u Osnovnom sudu Brčko distrikta BiH, po javnom konkursu broj: SuPK-01-88/25-I od 31.01.2025. godine
(izvjestilac: Rade Mitrović)
2. Donošenje odluke o imenovanju referenta-operatera-asistenta u Osnovnom sudu Brčko distrikta BiH, po javnom konkursu broj: SuPK-01-88/25-I od 31.01.2025. godine
(izvjestilac: Rade Mitrović)
3. Izvještaj o obavljenoj edukaciji za službenike i namještenike u pravosuđu Brčko distrikta BiH na temu „Finansijsko upravljanje i interna kontrola/izrada i ažuriranje Mape poslovnih procesa“ i donošenje odluke o isplati edukatoru
(izvjestilac: Rade Mitrović)
4. Razmatranje zahtjeva za izuzeće zamjenika disciplinskog tužioca, broj: SuPK-01-543/25-III od 07.05.2025. godine
(izvjestilac: Dejan Đurović)
5. Razno

PRISUTNI SU:

1. SAFET PIZOVIĆ, predsjednik Komisije,
2. MIRSAĐ ĆEMAN, sudija Ustavnog suda, putem telefona,
3. DAMJAN KAURINOVIĆ, predsjednik Apelacionog suda Brčko distrikta BiH,
4. RADMILO IVANOVIĆ, v.d. tužioca Tužilaštva Brčko distrikta BiH,
5. DRAGAN TOMAŠ, predsjednik Osnovnog suda Brčko distrikta BiH,
6. DEJAN ĐUROVIĆ, pravobranilac Pravobranilaštva Brčko distrikta BiH,
7. MILIVOJE VASIĆ, član Komisije iz reda građana,
8. MEHMED BEĆIĆ, član Komisije iz reda građana, putem telefona,
9. IVAN LOVRIĆ, član Komisije iz reda građana, putem telefona,

Sjednica je počela u 08,38 sati.

Konstatuje se da sjednici prisustvuje devet članova Komisije, da je šest članova sjednici prisutno lično, dok su Mirsad Ćeman, sudija Ustavnog suda BiH, te Mehmed Bečić i Ivan Lovrić, članovi Komisije iz reda građana, prisutni putem audio linka. Sjednici prisustvuje i sekretara Komisije, Rade Mitrović.

Predsjednik Komisije otvara 122. vanrednu sjednicu Pravosudne komisije s predloženim dnevnim redom, te predlaže da se dnevni red dopuni na način da se iza tačke 4. dodaje tačka 5. koja glasi: 5. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH.

Slijedom predloženih dopuna, numeracija tačaka se pomjera, tako da tačka Razno postaje tačka broj 6.

Konstatuje se da je Pravosudna komisija jednoglasno i bez primjedbi usvojila predloženi i dopunjeni dnevni red.

Prelazi se na prvu tačku dnevnog reda.

1. Donošenje odluke o imenovanju operatera - upisničara izvršenja prekršajnih sankcija u Osnovnom sudu Brčko distrikta BiH, po javnom konkursu broj: SuPK-01-88/25-I od 31.01.2025. godine

Nakon obrazloženja, konstatuje se da je Komisija jednoglasno donijela sljedeću

O d l u k u

Za „operatera - upisničara izvršenja prekršajnih sankcija“ u Osnovnom sudu Brčko distrikta BiH“ imenuje se Amira Beganović, kći Mevlusije iz Brčkog.

Imenovana je dužna stupiti na rad dana 15.05.2025. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,693570, osnovna plata u iznosu od 1.299,34 KM (hiljadudvjestotinedevedesetdevet i 34/100 konvertibilnih maraka).

2. Donošenje odluke o imenovanju referenta-operatera-asistenta u Osnovnom sudu Brčko distrikta BiH, na neodređeno vrijeme

Nakon obrazloženja, konstatuje se da je Komisija jednoglasno donijela sljedeću

O d l u k u

Za „referenta-operatera-asistenta“ u Osnovnom sudu Brčko distrikta BiH“ imenuje se Samira Cifrić, kći Velida, iz Brčkog.

Imenovana je dužna stupiti na rad dana 15.05.2025. godine, a stupanjem na rad zasniva radni odnos na neodređeno vrijeme u Osnovnom sudu Brčko distrikta BiH.

Stupanjem na rad imenovana se svrstava u V (peti) platni razred, 5 (peti) podrazred, koeficijent 1,693570, osnovna plata u iznosu od 1.299,34 KM (hiljadudvijestotinedevedesetdevet i 34/100 konvertibilnih maraka).

3. Izvještaj o obavljenoj edukaciji za službenike i namještenike u pravosuđu Brčko distrikta BiH na temu „Finansijsko upravljanje i interna kontrola/izrada i ažuriranje Mape poslovnih procesa“ i donošenje odluke o isplati edukatoru

Nakon obrazloženja i provedene diskusije, konstatuje se da je Izvještaj o realizovanoj edukaciji na navedenu temu jednoglasno usvojen te da Komisija jednoglasno donosi

O d l u k u

Nalaže se finansijskoj službi Pravosudne komisije Brčko distrikta BiH da na ime naknade za izvršenu edukaciju na seminaru na temu „Finansijsko upravljanje i interna kontrola/izrada i ažuriranje Mape poslovnih procesa“, održanom dana 25.04.2025. godine u Brčkom, edukatoru Dragani Kosorić, internom revizoru – stručnom savjetniku u Ministarstvu finansija i trezora BiH, isplati iznos od 707,52 KM (sedamstotinasedam i 52/100 KM) na ime izvršene edukacije, te iznos od 149,76 KM (stotinučetdesetdevet i 76/100 KM) na ime troškova prevoza na relaciji Sarajevo – Brčko – Sarajevo, što ukupno iznosi 857,28 KM (osamstotinapedesetsedamkonvertibilnihmaraka i 28/100)

4. Razmatranje zahtjeva za izuzeće zamjenika disciplinskog tužioca, broj: SuPK-01-543/25-III od 07.05.2025. godine

Konstatuje se da se predsjednik Komisije, Safet Pizović, izuzima iz raspravljanja i odlučivanja po ovoj tački dnevnog reda. Takođe, sjednicu je za vrijeme raspravljanja i odlučivanja po ovoj tački dnevnog reda napustio i Rade Mitrović, sekretar Komisije. Dejan Đurović, potpredsjednik Komisije, predsjedava po ovoj tački dnevnog reda.

Nakon diskusije, Komisija je, uz izuzeće Safeta Pizovića, predsjednika Komisije, jednoglasno donijela sljedeću

O d l u k u

Zahtjev Mirele Adžajlić Hodžić za izuzeće zamjenika disciplinskog tužioca u disciplinskom predmetu broj: SuPK-01-543/25 se ODBIJA.

Konstatuje se da se predsjednik i sekretar Komisije ponovo uključuju u rad sjednice Komisije.

5. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH.

Nakon obrazloženja i provedne diskusije, Komisija je jednoglasno donijela sljedeću

Odluku o raspisivanju javnog konkursa
za popunjavanje upražnjenih radnih mjesta
u pravosuđu Brčko distrikta BiH

1. Operater – asistent u Tužilaštvu Brčko distrikta BiH, (na neodređeno vrijeme)
..... 1 (jedan) izvršilac
2. Pripravnik u Pravobranilaštvu Brčko distrikta BiH (na određeno vrijeme, do sticanja
uslova za polaganje pravosudnog ispita, ali ne duže od dvije godine)
.....1 (jedan) izvršilac

Prijave na konkurs podnose se od 16.05.2025. godine do 30.05.2025. godine

6. Razno

Pod tačkom razno nije bilo dodatnih pitanja za razmatranje, te se konstatuje da je sjednica završena u 08:50 sati.

Zapisnik vodila
Sanja Ilić Čerkezović

Predsjednik
Pravosudne komisije

Safet Pizović